

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 32/19
Sarajevo, 16.05.2019. godine

Saopštenje za javnost

Povodom izjave dopredsjednice VSTV-a Ružice Jukić, Predsjedništvo Udruženja sudija/sudaca u FBiH daje slijedeće saopštenje za javnost:

Izjava kolegice Ružice Jukić, članice VSTV-a (potpredsjednice) koja je data za N1 i druge televizije, a koju su prenijeli i elektronski mediji u BiH, povodom sastanka održanog u Ambasadi SAD-a sa sudijama Brankom Perićem i Goranom Nezirovićem, te tužiocem Tomislavom Ljubićem, u kojoj kolegica kaže da „osuđuje potez Ambasade SAD-a“, da „se time Ambasada SAD-a miješa u rad pravosuđa“, da „pozivaju trećerazredne službenike na prijeme“ i dr. predstavlja nesmotren i neprimjeren nastup jednog sudije, koji pri tome, kao član VSTV-a treba da se zalaže za jačanje pravosuđa i njegove nezavisnosti i da u ostvarenju tih ciljeva podržava pomoć svih dobronamjernih aktera.

Udruženje sudija u FBiH, ali i druga udruženja sudija i tužilaca u BiH, su u svom osnivanju 1996/7, kao i u narednom periodu imali dugogodišnju podršku Udruženja pravnika za centralno-evropsku i euroazijsku pravnu inicijativu - ABBA CEELI, koja asocijacija je pomagala domaćim kadrovima u unapređenju profesionalnih standarda, potrebi udruživanja radi zaštite tih standarda, kao i razvijanju svijesti o potrebi većeg angažmana sudija i tužilaca u uspostavljanju novog izmijenjenog sistema nezavisnog i nepristrasnog pravosuđa.

Radi podsjećanja, US FBiH je, uz podršku ABBA CEELI-a, pokrenuo reformu osnivanja entitetskih VSTV-ova (reakcije Udruženja sudija u FBiH 1998 god. prilikom izbora sudija od strane izvršne vlasti), a zatim ujedinjenje entitetskih Vijeća u jedinstveni VSTV, koji i danas djeluje i čiji član je već u drugom mandatu i kolegica Ružica Jukić.

To je samo jedan primjer djelovanja Vlada SAD-a na pružanju pomoći domaćim entuzijastima iz reda sudija i tužilaca, da svojim snagama djeluju na unapređenju profesionalnih kapaciteta u cilju ostvarenja nezavisnog, nepristrasnog i profesionalnog pravosuđa.

To je naročito došlo do izražaja kod donošenju Zakona o VSTV-u, kojim je uspostavljeno nezavisno tijelo (VSTV) čiji je zadatak bio da spriječio utjecaj politike na procese izbora i imenovanja sudija i tužilaca, da pruži sudijama i tužiocima fer i pravedan disciplinski postupak, kao i postupak razrješavanja sa sudijske i tužilačke funkcije, zatim je Vlada SAD-a svojim projektima raznih edukacija, sprečavanja i zaštite sudija i tužilaca od korupcije u pravosuđu i dr., ali i finansijskom podrškom obnovi infrastruktura u pravosuđu, dala nemjerljiv doprinos.

Međutim, smanjivanjem svog djelovanja u proteklih 10-ak godina, vjerovatno procjenom da smo mi u dovoljnoj mjeri osposobili svoje kapacitete kompetentnim i profesionalnim kadrovima da samostalno

nastave održavati taj novi reformirani sistem, na žalost, ostavio se prostor u kojem se pokazalo da sistem ipak nije bio savršen, ili je malo vremena ostavljeno da se izgrade potrebni kadrovski kapaciteti, jer se u praksi prepoznala nekompetentnost i neprofesionalizam ne samo u sudovima i tužilaštvima, već i u tijelu koje je trebalo da bude nosilac nastavka reformi.

Tako je i došlo da pada povjerenja javnosti u pravosuđe na cijelom prostoru BiH.

Ali za pad povjerenja javnosti u pravosuđe na cijelom prostoru BiH, odgovorno je prije svih VSTV, sa svim bivšim i sadašnjim članovima, ali to ne opravdava ni profesionalnu zajednicu u cjelini koja nije dovoljno uporno djelovala, kako putem općih sjednica u sudovima, tako i na kolegijima u tužilaštvima. Odgovornost dijele i brojna Udruženja (uključujući i US FBIH), koja nisu jedinstvenim nastupom dovoljno snažno branili u svojim redovima profesionalne standarde, pa i prilikom izbora članova VSTV-a.

Udruženje sudija FBIH odaje priznanje pojedincima iz reda sudija koji su svojim ličnim angažmanom i dostojanstvenim javnim istupima pokazali hrabrost i odvažnost, te time doprinijeli da se održi nada u mogućnost promjena.

U tom cilju podržavamo veći angažman kako Evropske Komisije, tako i Ambasade SAD-a, Velike Britanije, Njemačke, Francuske i svih dobronamjernih vanjskih i unutrašnjih faktora, posebno na širokoj raspravi o Izmjenama zakona o VSTV-u, uz napomenu da VSTV i prilikom izrade svog prijedloga Izmjena zakona o VSTV-u kojeg je dostavio u Ministarstvu pravde BiH, nije provodio širu raspravu u profesionalnoj zajednici, pa Udruženje sudija FBIH iako je u više navrata izražavao spremnost za saradnju u tim aktivnostima, nije imao prilike za to.

Sarajevo, 16.05.2019 god.

Predsjedništvo Udruženja
sudija/sudaca u FBIH



Dostaviti:

1. Članovima VSTV-a
2. Ured visokog predstavnika za BiH (OHR);
3. Specijalnom predstavniku EU u BiH;
4. Američkoj ambasadi u Sarajevu;
5. Ambasadi Velike Britanije u Sarajevu;
6. Ambasada Savezne Republike Njemačke u Sarajevu;
7. medijima – Media Centar Sarajevo;
8. Članovima predsjedništva i predsjednicima ogranaka USFBiH;
9. arhiva